

oriuntur. Ischuria, stranguria etiam suos inde habent natales, si vero ad glandulas usque protendatur, Obstructiones variae, imo inflammationes exsurgunt, præprimis, si Sal magis austерum in iis existat; ob concussum enim hujus cum terrestribus continua est lucta, haec ad illius obsequium motæ saepius impingendo in superficialem Texturam solidi Telorum jactus instar per crebriores resultus fibras disrumpunt, cui facto si mora accedit, ac or major contrahitur, qui qualiter in parte etiam sit, calorē intensissimum cum acuto dolore & inflammatione subseqvente urget, ut glandulæ ac Vascula exulcerentur, materia colligitur, quæ in Tumorem concrescit, Phlogosis adest, Panaritium, furunculus, Hordeolum, & quocunq; modo nominentur Tumores, conspiciuntur; qui secundum partem affectam nuncupati sunt in Meningibus Phrenitis, in Oculis Ophthalmia, ad quam etiam Pannus, Nubeculae Oculorum, Gutta serena & rosocea spectant: in Aribus Parotis, quā interdum in sequuntur Obauditio, Tinnitus & surditas, in faucibus Angina, in pleura pleuritis; in pulmonibus peripneumonia; in renibus Nephritis, & plures in Phthisicis & Hecticis, Lue item Venerea. & aliis affectibus ex hoc sale austero & acri; oriundis, laborantibus reperiuntur. Denique Omnes illi morbi Chronicci, Conformatiōnis & Compositionis in Viscido radices egerunt, ē quo tanquam Matrice tum Particularum contra Mixti concentum abundantia, tum Acidii insultus in illud, varias & innumeræ ferè producunt ærumnas, nisi forte aliquis per symptomata à Morbo ipso aliquid diversum intelligere velit, sed mihi Judicium Excell. Pauli Ammanni in Consilio de Institutionum Medicarum emendatione Lib. 2. Parte I. cap. 1. placet, Quærentis: Cur enim Morbus non sit symptoma, & vice versa?

§. 14. A proximis ad remotas itur causas, ubi primo se offerunt, quæ naturaliter Corpus humanum vitiatum arguunt, ut in eo Viscidum generari possit, ex gr. si quis cum querelis in lucem edatur, quod non raro contingit. Ita Infantem Ictericum à nativitate, Hagendornius Obs. Med. Physic. Cent. 3. Hist. 57. notavit, & simile Exemplum Ephem. Germ. An. 4. Dec. 2. Obs. 16. habent, & eadem An. 5. Dec. 2. Obs. 44. Infantem Quartana in Utero Materno laborantem sistunt, Plura etiam in Observationibus Variorum leguntur; instar omnium fere curiosum est illud de Pueri squammeo ac veluti Phoca pelle contecto in plurimis